



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2023**

**MADUO: 100**

**NAKO: Diura di le 3**

**Pampiri e, e na le ditsebe di le 6.**

**DITAELO LE TSHEDIMOSSETSO**

1. Pampiri e, e arogantswe ka DIKAROLO di le PEDI.

KAROLO YA A: Tlhamo (50)

KAROLO YA B: Ditlhangwa tsa tirisano (2 x 25) (50)

**ELA TLHOKO:** O tshwanetse go araba dipotso di le PEDI go tswa mo KAROLONG YA B.

2. Araba potso e le NNGWE go tswa mo go KAROLO YA A le di le PEDI go tswa mo go KAROLO YA B.

3. Kwala ka puo e o tlhatlhobiwang ka yona.

4. Simolola KAROLO NNGWE le NNGWE mo tsebeng e NTŠHWA.

5. O tshwanetse go rulaganya (sk. letlhomeso la dikakanyo/lenaneopaakanyo/mmapa wa dikakanyo/dintlhakgolo, jj), runa (tseleganya) o be o tlhotlhe tiro ya gago diphoso. Thulaganyo e tshwanetse go tlhagelela PELE ga tlhamo.

6. Ipaakanyo kana setlhangwa sa ntlha se supuwe jalo ka botlalo. O gakololwa go thala mola go kgabaganya ipaakanyo kana setlhangwa sa ntlha.

7. O gakololwa go dirisa nako ya gago ka mokgwa o o latelang:

KAROLO YA A: Metsotso e le 100

KAROLO YA B: Metsotso e le (2 x 40) 80

8. Nomora dikarabo ka nepagalo go latela thulaganyo ya dinomoro e e dirisitsweng mo pampiring ya dipotso.

9. O se ka wa tsenyeletsa setlhogo fa o bala mafoko.

10. Kwala ka mokwalo o o buisegang le ka mopeleto o o kannweng ke Lekgotla la Bosetšhaba la Puo ya Setswana.

**KAROLO YA A: TLHAMO****POTSO 1**

Kwala tlhamo ya boleele jwa mafoko a a ka nnang 400–450 ka NNGWE FELA ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo se se maleba. O se ka wa lebala go thala letlhomeso kana lenaneopaakanyo, go tlhagisa setlhangwa sa ntlha le go se runa pele o kwala sa bofelo.

- 1.1 Maaka a maotomakhutshwane. [50]
- 1.2 Leroborobo la Covid-19 le fetotse matshelo a rona. [50]
- 1.3 Fa ke ka falola marematlou ka dinaledi ... [50]
- 1.4 A boagisani jwa segologolo bo gaisa jwa segompieno? [50]
- 1.5 A naa tlolomolao e e aparetseng naga ya Aforikaborwa e tlholwa ke bareagedi (batswantle) ba ba se nang tetla ya bonno? Dumela kgotsa o ganetse. [50]
- 1.6 Fa nka nna molaodi wa setheo sa Eskom ... [50]

Ditshwantsho tse di tlhagelelang mo ditsebeng tsa 3 le 4 di ka tsosa maikutlo kgotsa tsibogo e e rileng. Tlhopha setshwantsho se le SENGWE, mme o kwale tlhamo ka ga sona. Neela tlhamo ya gago setlhogo se se maleba. Nomora potso ya gago go nna 1.7 kgotsa 1.8.

**ELA TLHOKO:** Diteng tsa tlhamo ya gago di tshwanetse go nyalana le setshwantsho se o se tlhophileng.

1.7



[Se nopotswe go tswa go *Sowetan Live*]

[50]

1.8



[Se nopswe go tswa go [www.potholes.com](http://www.potholes.com)]

**[50]**

**PALOGOTLHE YA KAROLO YA A: 50**

**KAROLO YA B: DITLHANGWA TSA TIRISANO****POTSO 2**

Araba dipotso di le PEDI fela mo karolong e. Karabo e nne boleele jwa mafoko a a ka nnang 180–200 (diteng fela). O gakololwa go runa le go tlotlha ditlhangwa tsa gago diphoso.

**2.1 LEKWALO LA BOTSALANO**

Setlhophha sa lona sa mmimo wa setso se se neng se tsenetse dikgaisano tsa boditšhabatšhaba tsa mmimo wa setso kwa moseja, se iponetse maemo a boraro. Kwalela ntsalao lekwalo o mo itsise ka leeto la lona le maitemogelo a gago mo dikgaisanong tseo.



[Se nopotswe go tswa go: Amazing Smooth Tswana Cultural Dance]

**[25]****2.2 LEKWALO LA SEMMUSO**

Dintšwa tsa baagisani ba lona ga di a tlhokomelesega le go tsholwa ka tshwanelo. Kwalela ba Setheo sa Tlhokomelo Ya Diphologolo (SPCA) o ba kope go tla go tsereganya.

**[25]****2.3 ATHIKELE YA MAKASINE**

Mo malatsing ano e setse e le tlwaelo gore bašwa ba tsaya matshelo a bona, fa ba sa atlege mo botshelong. Kwala athikele e o tlaa e tlhagisang mo makasineng wa tikologo ya gaeno go lemosa bašwa fa go sa atlege e se bokhutlo ba lefatshe. Athikele e akaretse dintlha tsa botlhokwa tse di ka thusang go fedisa tlwaelo e.

**[25]**

**2.4 PEGELO**

Dikemedi tsa dikolo tsa didika tse di farologaneng di ne di tsere leeto go ya kwa serapeng sa diphologolo mme wena o ne o le mongwe wa ba ba emetseng sedika sa lona. Mogokgo o go kopile go kwala pegelo ka ga leeto leo gore a tle a e ise kwa sedikeng. Kwala pegelo eo o etse tlhoko ditlhokego tsotlhe tsa yona.

**[25]****2.5 PUO**

O mankge wa go thuma mo motseng wa ga lona mme tshireletsego mo lefelong la go thuma ke tlhobaboroko. Kwala puo e o tlaa neelanang ka yona go lemosa bathumi ka ditsela tse ba tshwanetseng go di sala morago gore ba nne ba sireletsegile kwa lefelong leo.



[Se nopswe go tswa go Family Fun Beach: [google.com](https://www.google.com)]

**[25]****2.6 POTSOOTHERISANO**

O na le bothata jwa moriri o o felang mo tlhogong mme o kopane le moitseanape wa meriri tebang le bothata jo. Kwala potsotherisano e e nnileng teng magareng ga gago le moitseanape yoo mabapi le bothata jwa gago le thuso e a e go neetseng.

**[25]**

**PALOGOTLHE YA KAROLO YA B:**  
**PALOGOTLHE:**

**50**  
**100**